



NOVÈMBER 2014

PERSEVERA

UN PÁGINA DI KURASHÁMENTU I GUIA SPIRITUAL PA
MIEMBRONAN DI SCOUTING ANTIANO

EDISHON 46 AÑA 4


E trein di pensamentu korekto
por hiba bo na un mihó
stashonamentu den bida

Edmond a yega di primintí ku su familia nunka lo no terminá riba kaya. Pero no muchu tempu despues, el a pèrdè su trabou i kandela a kaba ku nan kas. Diripiente nan tabata desampará. Nan único opshon tabata un refugio ("shelter").

Na final di e promé dia einan, Edmond su orashon tabata: "Dios, saka mi for di aki." Su aktitut tabata ekstremadamente negativo. Na su opinion, e reglanan di e refugio tabata humiante. Personanan ku tabata keda einan mester a keda guia na otro banda di kaya den sala di mishon ("mission hall") pa bai kome. Nan mester a bishita un misa ku tabata duna su aporte na e refugio ("shelter"). Ora habitantenan di e refugio a haña trabou, tabata spera di nan ku nan lo duna 70% di nan entrada na un fondo di spar te dia nan tabata kla pa sali e refugio.

Despues di ekspresá tur su malkontentu serka direktor di e refugio, Edmond no por a drumi anochi. E a realisá ku el a usa tur su atenshon riba kon pa sali for di e refugio en bes di usa esaki pa hasi bida di su familia mas fásil. E anochi ei e a kambia su aktitut. El a kuminsá dor di duna un mener den e kamber na banda di dje ku tabata tosa un glas di awa.

Nuebe luna despues, Edmond i su familia a haña un kas nobo. Pero e no a lubidá loke el a siña. Te ainda e ta bishita e refugio, bisando: "Unda ku bo ta, Dios tambe ta." Aktitut, no sirkunstansia, a hasi un diferensia real den su bida.



Keep your thoughts positive because Your thoughts become your words.
Keep your behavior positive because Your behavior becomes your habits.
Keep your values positive because Your values become your destiny.
- Mahatma Gandhi

E akto di bondat mas chikí ta mihó ku e intenshon di mas grandi

Duna ta manera un moneda ku tin dos banda. Mas habri nos ta den nos aktitut pa ku dunamentu, mas nos aktitut pa ku mira kon Dios ta bendishoná nos i ta drama su bendishon den nos bida por bira mas kla pa nos. Pero, e sekreto pa aktivá e prinsipio aki ta den duna sin deseá publisidat i rekonosementu pa eseí. Nos dunamentu mester ta liber di orguyo. E prinsipio aki a wòrdú kaptura bon den e poema, skibi pa un outor deskonosí, sita akibou:

Ma hasi un fabor ayera
Un fabor chikí 'di kurason',
I despues mi a yama hinter mundu
Pa para, mira i
pone atenshon.



Nan a para i mira
i despues labia mi
Pero riba palabra mi no por a konfia
I despues ora hinter mundu a bai lagami
Mi bon akto a bira stof.

Un kortesia masha chikí
Ma haña e oportunidat pa hasi awe
E a wòrdú hasi masha lihé i sin niun
hende pa mir'é
I e ora ei ma kore bai lag'é

Pero un hende mester a mirami
Paso sinseramente bisá
Ora ku mi a wak bek riba e kaminda
tras di mi
Tabatin rosa ta krese einan.

Siñansa:

Mi yunan stima, no laga nos stima ku boka i palabra so, ma laga nos stima di bérde mes, ku echo! (1 Huan 3:18)

.... 'Duna ta hasi hende mas felis ku risibí! '(Echonan 20:35)